



অবিলম্বে প্রকাশের উদ্দেশ্যে: 8/20/2020

গভর্নর অ্যাঙ্কু এম. কুওমো

গভর্নর কুওমো নির্বাচনী ব্যাপক সংস্কারের আইনে স্বাক্ষর করেন

*নতুন আইন নিউ ইয়র্কবাসীদের ভোট প্রদান করা এবং নভেম্বরে গণনা করা সহজ করবে*

*S.8015-D/A.10833 COVID সহ অসুস্থতার ঝুঁকির কারণে ভোটারদের অনুপস্থিত ব্যালটের  
অনুরোধ করার অনুমোদন দেয়*

*S.8783A/A.10807 আজ থেকে অনুপস্থিত ব্যালটের অনুরোধ করার জন্য ভোটারদের অনুমোদন  
দেয়*

*S.8799A/A.10808-A নির্বাচনের দিন, 3 নভেম্বর, ব্যালট পোস্টমার্ক করার অনুমতি দেয়*

গভর্নর অ্যাঙ্কু এম. কুওমো আজ নির্বাচনী ব্যাপক সংস্কারের আইনে স্বাক্ষর করেন যা নিউ ইয়র্কবাসীদের পক্ষে ভোট প্রদান করা এবং নভেম্বরে গণনা করা সহজ করবে। তিন অংশের এই প্যাকেজে অনুপস্থিত ব্যালটের আবেদন অবিলম্বে নির্বাচন বোর্ডের কাছে জমা দেওয়া, COVID-19 সহ অসুস্থতার ঝুঁকি বা অসুস্থতার কারণে একজন ভোটারকে অনুপস্থিত ব্যালট পাওয়ার অনুমতি দেওয়া এবং নির্বাচনের দিন বা তার আগে পোস্টমার্কযুক্ত বা নির্বাচনের পরের দিন পোস্টমার্ক ছাড়াই নির্বাচন বোর্ড কর্তৃক প্রাপ্ত সকল অনুপস্থিত ব্যালট নিশ্চিত করা।

পোস্টমার্ক সহ ব্যালটগুলি দেখায় যে সেগুলি নির্বাচনের দিন বা তার আগে মেইল করা হয়েছে যা 10 নভেম্বরের মধ্যে গ্রহণ করা হলে গণনা করা হবে।

"ফেডারেল প্রশাসন যুক্তরাষ্ট্রের ডাক সেবার উপর অভূতপূর্ব হামলার আদেশ দিয়েছে এবং COVID-19 আমাদের নিরাপদ থাকা, সরাসরি ভোটদানের ক্ষমতাকে হুমকির মুখে ফেলেছে, আমাদের দেশের ইতিহাসের অন্যতম গুরুত্বপূর্ণ মুহূর্তে একটি সফল এবং নিরপেক্ষ নির্বাচন নিশ্চিত করার জন্য এই পদক্ষেপগুলো অত্যন্ত গুরুত্বপূর্ণ," **গভর্নর কুওমো বলেন।** "এই পদক্ষেপগুলি গণতন্ত্রের প্রতিবন্ধকতাকে আরো ভেঙ্গে ফেলবে এবং এই নভেম্বরে নিউ ইয়র্কবাসীদের ভোটাধিকার প্রয়োগ করা আরো সহজ করে তুলবে।"

**সিনেটের সংখ্যাগরিষ্ঠ নেতা অ্যান্ড্রিয়া স্টুয়ার্ট-কাজিন্স বলেন,** "ভোটিং অ্যাক্সেস আমাদের গণতন্ত্রের অন্যতম প্রধান ভিত্তি। চলমান COVID-19 মহামারির মধ্যে, আমাদের নিশ্চিত করতে হবে যেন

কোনো নিউ ইয়র্কবাসী তাদের সাংবিধানিক অধিকার প্রয়োগের ক্ষেত্রে স্বাস্থ্য এবং সুস্বাস্থ্যের ঝুঁকি অনুভব না করে। এই আইনটি এগিয়ে নেওয়ার জন্য আমি বিল স্পনসরদের এবং আমার সিনেট ডেমোক্রাটিক মেজরিটি সহকর্মীদেরকে নিউ ইয়র্ক ভোটারদের ক্ষমতায়নে তাদের চলমান প্রতিশ্রুতির জন্য

ক্ষমতায়নেরএবং গভর্নর কুওমোকে এই বিলগুলিতে স্বাক্ষর করার জন্য ধন্যবাদ জানাই।"

**পরিষদের স্পিকার কার্ল হিস্টি বলেন,** "অ্যাসেম্বলি মেজরিটি জানে যে যখন আমেরিকানদের পক্ষে ভোট প্রদান সহজ হয়, কঠিন নয়, তখন গণতন্ত্র সবচেয়ে কার্যকর হয়। কিন্তু ওয়াশিংটনের প্রশাসন আবারও প্রমাণ করছে যে তারা এই গুরুত্বপূর্ণ গণতান্ত্রিক প্রতিষ্ঠানগুলোকে মূল্য দেয় না, যতক্ষণ না তারা মেইলের মাধ্যমে ভোট প্রদানের সুযোগ সীমিত করার জন্য যুক্তরাষ্ট্রের ডাক সেবাকে আক্রমণ করে। নিউ ইয়র্কে, আমরা এর পক্ষে দাঁড়াবো না। এই বছরের শুরুতে, আমরা ভোটারদের ভোট প্রদানের সুযোগ প্রসারিত করার জন্য আইন পাশ করেছি এবং আমরা নিউ ইয়র্কবাসীদের ভোটাধিকার প্রয়োগ করা সহজ এবং নিরাপদ করার জন্য লড়াই চালিয়ে যাব এবং আমাদের নির্বাচনের অখণ্ডতা রক্ষা করব।"

**অসুস্থতার ঝুঁকির কারণে অনুপস্থিত ব্যালটের অনুরোধ সংক্রান্ত (S.8015-D/A.10833)**

এই আইন ভোটারদের নিজেদের বা অন্যদের অসুস্থতার ঝুঁকির কারণে একটি অনুপস্থিত ব্যালটের অনুরোধ করার অধিকার প্রদান করে।

**সেনেটের আলেক্সান্দ্রা বিয়োগি বলেছেন,** "COVID আমাদের জীবনের প্রতিটি দিক কে উল্লীত করেছে-- কিন্তু আমরা এটিকে আমাদের গণতন্ত্র এবং নিউ ইয়র্কবাসীদের ভোটাধিকার খর্ব করার অনুমতি দিতে পারি না। আমি S8015D চালু করেছি যাতে কোনো নিউ ইয়র্কবাসীকে তাদের স্বাস্থ্য এবং তাদের নাগরিক দায়িত্ব পালনের মধ্যে একটি বেছে নিতে না হয়। দুর্ভাগ্যবশত, জুন মাসের নির্বাচনের সময় অনেক নিউ ইয়র্কবাসীকে এই সিদ্ধান্ত নিতে হয়েছে কারণ তারা সময়মতো তাদের ব্যালট পায়নি। প্রত্যেক নিউ ইয়র্কবাসীকে অনুপস্থিত ব্যালটের মাধ্যমে নভেম্বরে ভোট প্রদানের নিশ্চয়তা প্রদানের জন্য এবং নির্বাচন বোর্ডকে তাদের প্রস্তুতি গ্রহণের জন্য সময় দেওয়ার জন্য আমার বিলটিতে স্বাক্ষর করার জন্য আমি গভর্নর কুওমোকে ধন্যবাদ জানাতে চাই। এছাড়াও আমি সিনেটের সংখ্যাগরিষ্ঠ নেতা আন্দ্রেয়া স্টুয়ার্ট-কাজিন এবং সংসদে আমার সহকর্মীদের প্রতি কৃতজ্ঞতা জানাতে চাই তাদের অংশীদারিত্ব এবং আমাদের গণতন্ত্র রক্ষার অঙ্গীকারের জন্য।"

**অ্যাসেম্বলি সদস্য জেফরি ডিনোউইৎজ বলেন,** "নিউ ইয়র্ক স্টেটে আমাদের গণতন্ত্রের জন্য আজ একটি মহান দিবস। যেহেতু আমরা অনুপস্থিত ব্যালট প্রক্রিয়ায় ভোটারদের কার্যকারিতা বৃদ্ধির উপায় নিয়ে কাজ করে যাচ্ছি, আমি গভর্নর কুওমোকে ধন্যবাদ জানাই এই বিলে স্বাক্ষর করার জন্য যাতে নিউ ইয়র্কবাসীদের জনস্বাস্থ্যের ঝুঁকি এবং ভোট প্রদানের জন্য আমাদের নাগরিক কর্তব্য পালনের মধ্যে বেছে নিতে না হয়। আমি গর্বিত যে নিউ ইয়র্ক স্টেট আমাদের মূল গণতান্ত্রিক প্রতিষ্ঠানকে নষ্টকারী রাজনৈতিক বিশৃঙ্খলা ছড়িয়ে দেওয়ার পরিবর্তে ভোটকে আরো সহজ ও সুরক্ষিত করার পদক্ষেপ গ্রহণের মাধ্যমে আমাদের হোয়াইট হাউস প্রশাসনের বিপরীতে দাঁড়াতে পারে।"

### **অনুপস্থিত ব্যালটের অনুরোধ সম্পর্কিত (S.8783A/A.10807)**

এই আইন ভোটারদের নির্বাচনের দিনের 30 দিন পূর্বে অবিলম্বে অনুপস্থিত ব্যালটের জন্য অনুরোধ করার অনুমতি দেয় এবং অনুপস্থিত ব্যালটের মাধ্যমে কোনো ভোটারকে যে পরিমাণ সময় দিতে হয় তার প্রায় 7 সপ্তাহ যোগ করে। এই আইন একটি পুরনো বিধিবদ্ধ বিধান মুছে ফেলে যা ভোটারদের নির্বাচনের দিনের 30 দিন পূর্ব পর্যন্ত অনুপস্থিত ব্যালটের অনুরোধ করতে বাধা দেয়। এই আইন ভোটারদের আশ্বস্ত করে যে তারা গ্রহণ করবে এবং সময়মতো তাদের ভোট কাস্ট করতে পারবে।

**সিনেটর জেলনর মিরি বলেন,** "এ বছর অনুপস্থিত ব্যালটের মাধ্যমে ভোট প্রদানের পরিকল্পনা করা ভোটারদের সংখ্যা বাড়তে থাকায় স্থানীয় নির্বাচন বোর্ডকে আবেদন প্রক্রিয়া এবং ব্যালট পাঠানোর জন্য পর্যাপ্ত সময় দেওয়া জরুরি। এই আইন মহামারী এবং এর বাইরে ভোটদানে অ্যাক্সেস প্রসারিত করার জন্য আমাদের অব্যাহত প্রচেষ্টার অংশ। ভোটারদের পূর্ণ আত্মবিশ্বাস থাকা উচিত যে, তারা একটি মেলবক্স বা ব্যালট বক্স ব্যবহার করুক না কেন, তারা নিরাপদে, সুরক্ষিত এবং কোনো বাধা ছাড়াই তাদের অধিকার প্রয়োগ করতে পারবে।"

**সংসদ সদস্য আল টেলর বলেন,** "COVID-19 স্বাস্থ্য সংকট জীবনকে বদলে দিয়েছে, যেমনটা আমরা জানি, এর মধ্যে আমরা কীভাবে ভোট দেই। এ বছর আমরা অনুপস্থিত ব্যালটের অনুরোধের দশ গুণ বৃদ্ধি দেখেছি, যেখানে আরো বেশি মানুষ তাদের পরিবার এবং কমিউনিটির স্বাস্থ্য রক্ষার জন্য মেইলের মাধ্যমে ভোট দিতে পছন্দ করেছে। এই নতুন বাস্তবতার মধ্যে, আমাদের নিশ্চিত করতে হবে যে ভোটাররা নিরাপদ এবং দক্ষতার সাথে ভবিষ্যৎ নির্বাচনে তাদের অধিকার প্রয়োগ করতে পারবে, এবং এর মধ্যে রয়েছে সময়মত অনুপস্থিত ব্যালট গ্রহণ করা। আমার সহকর্মীদের পাশাপাশি নিউ ইয়র্কে ভোটাধিকার সম্প্রসারণ এবং সুরক্ষার লড়াই চালিয়ে যেতে পেরে আমি সম্মানিত বোধ করছি যেহেতু আমরা আমাদের প্রতিবেশীদের নিরাপদ রাখতে সহায়তা করতে ইতোমধ্যে অগ্রগতি অর্জন করেছি। এই বিল আইনে স্বাক্ষর করার জন্য গভর্নর কুওমোকে ধন্যবাদ।"

### **নির্বাচনের দিন পোস্টমার্ককৃত ব্যালট সম্পর্কিত (S.8799A/A.10808-A)**

এই আইন 3 নভেম্বর নির্বাচনের দিন ব্যালট পোস্টমার্ক করার অনুমতি দেয়। এই আইন নির্বাচন বিধি সংশোধন করে নির্বাচন বোর্ডের সকল অনুপস্থিত ব্যালট গণনা করার অনুমতি দেয়, যাতে দেখা যাচ্ছে যে নির্বাচনের পরের দিন নির্বাচন বোর্ডের কাছে তা বিতরণ করা হয়েছে কিন্তু কোনো তারিখ পোস্টমার্ক নেই। নির্বাচন বোর্ড মেইল করা সেই ব্যালটগুলোকে সময়মত বিবেচনা করবে।

**সিনেটর মাইকেল গিয়ানারিস বলেন,** "এটি অত্যন্ত গুরুত্বপূর্ণ যে আমরা প্রাথমিক নির্বাচনের পাঠ শিখি এবং নভেম্বরে প্রতিটি বৈধ ভোট গণনা নিশ্চিত করি। আজ স্বাক্ষরিত বিলটি মার্কিন পোস্টাল সার্ভিসের অসুবিধার কারণে সৃষ্ট সমস্যা থেকে ভোটারদের বিরত করতে সহায়তা করবে। আমি কৃতজ্ঞ যে গভর্নর এটি প্রণয়ন করছেন।"

**অ্যাসেম্বলি মেম্বার রডনেস বিচোট বলেন,** "গভর্নর আজ যে আইনে স্বাক্ষর করছেন তা নিশ্চিত করবে যে নিউ ইয়র্কবাসীদের নির্বাচনী প্রক্রিয়ায় অংশগ্রহণের অধিকার সুরক্ষিত থাকবে। আমরা

প্রাথমিক সময়ে অভূতপূর্ব অনুপস্থিত ভোটারদের ভোট দেখেছি, কিন্তু ইউনাইটেড স্টেটস পোস্টাল সার্ভিসে আর্থিক চ্যালেঞ্জের কারণে, অনেক ব্যালট সময়মতো পোস্টমার্ক করা হয়নি। আমাদের অবশ্যই এই উপলক্ষে উঠে দাঁড়াতে হবে এবং নিশ্চিত করতে হবে যে স্টেট জুড়ে ভোটাররা নিরাপদে এবং কার্যকরভাবে ভোট দিতে পারবে। এই আইন এটি নিশ্চিত করার মাধ্যমে পোস্ট অফিসের সমস্যাগুলি সমাধানে সহায়তা করবে যে, পোস্টমার্ক করা হয়নি এমন অনুপস্থিত ব্যালটগুলি যদি নির্বাচনের পরের দিন নির্বাচন বোর্ড কর্তৃক গৃহীত হয় তবে তা যথাসময়ে বিবেচিত হবে। এটি ভোটারের অখণ্ডতা রক্ষা করে এবং ভোটারদের ভোটাধিকার প্রদান করে। এই বিলে স্বাক্ষর করার জন্য আমি গভর্নর কুওমোকে ধন্যবাদ জানাই এবং আইনসভায় নিউ ইয়র্কবাসীদের সমর্থন করার জন্য আমার সহকর্মীদের ধন্যবাদ জানাই, যাতে তাদের ভোটাধিকার সুরক্ষিত থাকে।"

###

অতিরিক্ত তথ্য পেতে দেখুন [www.governor.ny.gov](http://www.governor.ny.gov)  
নিউইয়র্ক স্টেট | এক্সিকিউটিভ চেম্বার | [press.office@exec.ny.gov](mailto:press.office@exec.ny.gov) | 518.474.8418

[আনসাবস্ক্রাইব করুন](#)